

Pagtubag sa Imong mga Pangutana Mahitungod sa Balaang Adlaw sa Ginoo

Information Booklet F

Dugang Alang sa Leksyon 20

Ang Adlaw nga Igpapahulay -- Pinasahi nga Adlaw

Adunay mga nagtuo nga sila makapili sa ilang kaugalingong adlaw sulod sa semana aron sa pagsimba sa Ginoo. Apan kini nga hunahuna walay pasikaranan sa Bibliya. Wala'y dapit sa Bibliya nga ang katawhanan sa Ginoo gihatagan sa katungod sa pagbuot kung unsa nga adlaw sa semana ang balaanon.

Ang Ginoo nagpanalangin ug pinasahi nga adlaw sa paghinumdum sa higayon nga nahitabo sa semana sa paglalang. Sa pagsunod sa Ginoo, dili kita makabalaan sa usa ka adlaw nga wala Niya gihimong balaan. Sa maong paagi, dili kita makadawat ug panalangin nianang adlaw nga wala Niya gipanalanginan.

Ang nag-inusarang dapit diin ikaw makakapaglag sa pagkamahinungdanong pagkalambigit ngadto sa Domingo anaa diha sa pagtulon'ang kabilin sa tawo. Apan luwas ba ang pagsunod niini nga tradisyon?

Si Jesus nag-ingon, "Ug ngano ba usab nga inyo mang lapason ang sugo sa Dios aron lang pagtuman sa inyong gikabilinbilin nga kalagdaan?... Busa, tungod lang sa inyong gikabilinbilin nga kalagdaan, inyong gipakawalay pulos ang pulong sa Dios... Kawang lang ang ilang pagsimba kanako, sanglit sa ilang pagpanudlo ila mang gipaka-doktrina ang kalagdaan nga hinimo lamag mga tawo." Matthew 15:3, 6, 9.

Nahasulat sa Exodo kapitolo 16 ang kasinatian nga gihatag sa Dios sa Iyang katawhan aron sa pagsuta kun sila nagalakaw sa akong mga balaod, o wala (bersikulo 4). Sulod sa kap'atan ka tuig ang talamdan sa pagkahulog sa mana nagpaila sa Sabado gikan sa ubang adlaw sa semana.

Apan pipila ka mga tawo nagsulay sa pagbantay sa Sabado nga sama lamang sa ubang adlaw. Ug pipila usab nagsulay sa pagbantay sa ubang mga adlaw nga sama sa Sabado. Ug miingon si Jehovah, "Hangtud ba anus-a nga managdumuli kamo sa akong mga sugo ug sa akong mga tulomanon.?" (bersikulo 28).

Sa pagkatinuod ang katungdanan sa ikaupat nga sugo dili matuman kung kita mupili sa pagsimba sa adlaw nga supak nianang gisulti sa kasuguan.

Palandunga kining sumusunod nga garay nga nagpakita gikan sa nagkalainlaing panghitabo sa Bibliya nga may kalabutan gayud sa Dios kung kita musunod kung unsa Iyang giingon o dili.

MAY KALABUTAN

Duha ka kahoy diha sa tungatunga sa tanaman
Nagtubo sa samang nabatasan
Apan may kalabutan kung unsa nga kahoy si Eba miambit
Ug ang kalahian sa gihapon ato karon nabati

May kalabutan unsa nga klase sa halad
Ang gidala ni Abel ug Cain
Ang Dios nagtahod ngadto ka Abel
Apan ang giilis ni Cain dili managsama

May kalabutan ngadto kang Nadab ug Abihu
Unsa nga kalayo nga ihalad nga may sala
Dili ba ang usa ka kalayo maayo sama sa uban?
Sa makasusubo sila nangatarungan.

Si David nasayod sa gitudlo sa Dios
Unsaon sa balaang arka pagbalhin
Apan gibaliwala ang labing mahinungdanong pagtudlo
Ang kamatayon ni Uza mao ang pamatuud

Ngano motuslob pa ako sa Jordan?
Si Naaman nangutana sa kabalaka
Dili ba ang sapa sa Damascus mas labi pangmaayo?
Dili, Naaman, sila dili igo sa kamaayo
Ug nganung motuslob man ako sa makapito ka beses?
Dili ba ang pagtuslob sa maka usa makahimo sa lingla?
Kung si Naaman nagsalikway pa sa gitudlo
Mupauli siya sa iyang puloy-anan nga masakiton sa gihapon

Kung ang Dios maghatag sa tukma nga mga pahinumdom
Para sa tahas nga atong pagabuhaton
Siya nagtinguha nga ato kini pagahimoon
Sa paagi sa Iyang gimando kanato

Kun Siya nagaingon kanato nga ato kining buhaton
Sa siniguro nga talagsaon nga paagi
Dili niya tumong nga ato kini usbon
Sa pagpahiyon sa ginaingon sa uban

Siya sa makadaghan maghingalan sa tinagsatagsa
Sa hilabihan ka mahinungdanon alang kaniya
Nga ang katawhan nagtagad sa labing kasayon
Nga naghimo'g kausaban sa maaghaton.

Adunay katuyoan ang Dios sa matag balaod
Ang “ngano” wala na to nadungog.
Ug kita, bisan wala nato kini nakita,
Maluwas sa pagsunod sa kada pulong lamang

Wala’y Gahum gikan sa Kasulatan ang Pagbantay sa Domingo

Sa pagkatinuod kung si Jesus nagtukod ug bag-ong adlaw sa pagsimba, ang Bibliya maghisgut gayud mahitungod niini. Kon atong hatagag pinasahing pagtagad ang Domingo, makahimo unta kita sa pagkakaplag nga gisulti kini sa Bibliya. Ang pulong “Domingo” wala sa Bibliya. Didto kini gitawag, “unang adlaw sa semana”. Busa atong susihon ang tanang kasayuran sa Bag-ong Tugon mahitungod sa “unang adlaw sa semana” ug atong tan-awn kon unsa ang gisulti niini nganhi kanato.

Adunay walo lamang sa teksto sa Bag-ong Tugon nga nagsulti mahitungod sa nahaunang adlaw sa semana, o Domingo. Ato kini lantawn kada usa.

1—Mateo 28:1 – Kani nga teksto yanong nagsulti nga sa nahaunang adlaw sa semana ang duha ka mga Maria nangadto sa lubnganan. Wala kini nagkahisgut mahitungod sa kabalaan sa Domingo. Apan nagpakita kini nga ang Sabado mao ang adlaw nga muabot sa dili pa ang Domingo.

2—Markus 16:2 – Kini nga teksto mao ra gihapon. Wala naghisgut sa kabalaan sa Domingo.

3—Markus 16:9 – Gisultihan kita dinhi nga si Jesus nabanhaw sa nahaunang adlaw sa semana, apan wala naghisgut mahitungod nga nahimo kining pinasahi nga adlaw sa pagsimba.

4—Lukas 24:1 – Mao ra gihapon ang gisaysay nga impormasyon.

5—Juan 20:1 – Atong mabasa dinhi ang unang pagbisita ni Maria Magdalena sa lubnganan “samtang ngitngit pa.” Apan wala naghisgut mahitungod sa pag-usab sa ikaupat nga kasuguan.

6—Juan 20:19 – Sa pagkasawomsom niadtong adlaw si Jesus nagpakita sa Iyang mga tinun-an. Nganu nagtigum sila? Ang Bibliya nag-ingon “tungod sa kahadlok nila sa mga Judio.” Wala kini naghisgut mahitungod sa pagkabaalan nga nadugtong anang adlaw. Hangtud dinhi ato nakita nga ang Bibliya wala nagpanghimatuud nga ang pagbantay sa Domingo nagpasidungog sa pagkabanhaw ni Kristo. Sa pagkatinuod, ang nag-inusarang giila nga katukuran diha sa Bibliya aron sa pagpasidungog sa pagkabanhaw mao lamang ang bautismo (tan-awa Roma 6). Walay laing paghandum mahitungod niana nga panghitabo nga gitugot sa Bibliya.

7—Buhat 20:7 – Ang grupo sa mga magtutoo nagkatigum “aron sa pagpikaspikas sa tinapay,” nga naga-ingon ang Buhat 2:46, diin ang unang mga Kristohanon nagabuhay niini “adlaw- adlaw”. Samtang sila nagkatigum, “si Pablo nagwali ngadto kanila, sa pag-andam sa pagbiya pagkaugma.” Mao lamang kini ang nahasulat nga relihiyosong tulomanon nga nahitabo sa nahaunang adlaw sa semana. Sa wala’y pagduhaduha wala’y makasugyot nga ang pagdumala ug usa ka serbisyo nianang adlaw igo na sa pagsuporta sa sugo aron sa pagbalaan sa kada adlaw’ng Domingo sa kinatibuk-ang kasaysayan sa kalibutan. Iabina sa sinugdang sa Korinto adunay

nahasulat nga relihiyosong serbisyo, dili sa nahaunang adlaw sa semana, apan sa “tanang adlaw nga igpapahulay” sulod sa “usa ka tuig ug unom ka bulan”! (Buhat 18:4,11)

Sa pagsusi sa panghitabo diha sa Buhat 20:7 nagpahayag nga dinhi wala gayud naghigut mahitungod sa panagkatigum sa Domingo sa buntag. Kini mao diha sa nahaunang adlaw sa semana, apan kadto nahitabo sa mangitngit nga panahon sa adlaw (basaha ang kinatibuk-ang kahulugan). Ang Bibliya nag-ihap sa adlaw gikan sa pagsalop hangtod sa pagsalop, dili gikan sa tunga’ng gabii ngadto sa tunga’ng gabii sama sa ginabuhat karon. (Genesis 1:5,8 etc). busa kini nga panagsaon nga panagkatigum nahitabo sa Sabado sa gabii.

Sumala sa kasaysayan sa Bibliya, ang rason niadtong panagkatigum mao nga si Pablo “nag-andam sa paggikan” sa sunod adlaw. Siya nagsulti sa Epeso, “ako nahibalo nga kamong tanan... dili na makakita pag-usab sa akong nawong”. Sa pagkonsidera niini nga higayon, atong masabot ang kahuyang sa matag pagpanlimbasog sa paggamit niini nga bersikulo isip usa ka kaso sa pagwagtang sa kasuguan nga gisulti sa Dios. Ang “ikapito maoy usa ka Adlaw nga Igpapahulay alang kang Jehova nga imong Dios.” Exodo 20:10. Sa pagkakaadlawon sa Domingo sa buntag si Pablo mibiya sa iyang 18-milya nga pagbyahe ngadto sa Assos, sa walay pagduhaduha nagpakita kini sa walay pagtahud niana nga adlaw kay siya andam man mobiyahе sa halayo.

8 – 1 Corinto 16:2 – Kini nga teksto wala nagsulti mahitungod sa relihiyosong pagserbisyo o sa bisan unsa nga klase nga panagkatigum. Sa pagkatinuud wala kini naghigut sa pagtahud sa Domingo nga usa ka adlaw nga balaan. Sumala niining tekstoha, ang nahaunang adlaw sa semana mao ang adlaw aron mag-atiman sa personal nga panalapi. Sa sinugdanan sa kada semana ang Kristohanon “maggahin siya sa tipiganan” sa iyang tampo, nakahan’ay na ang plano sa paghatag ug ginalain na kini. Ang pag-ihap sa halad sa matag usa nalambigit kini sa pagkwenta sa kita. Kung ang Dios nagbalhin sa pagsaulog sa adlaw’ng igpapahulay ngadto sa nahaunang adlaw sa semana, si Pablo dili unta mag awhag sa ingon niana nga kalihokan nga mahitabo nianang adlaw.

Atong nasusi sa Bibliya ang paghigut sa nahaunang adlaw sa semana! Ug, sa imo nakita sa klaro, wala’y usa nga paglakbit sa pag-usab sa pagsimba gikan sa Sabado ngadto sa Domingo. Ug kana nga pag-usab dili makita sa balaang kasulatan. Nganu man, tungod kay ang Dios klaro nga nag-ingon: “KAY AKO SI JEHOVAH, WALAY PAGKABALHIN.” Malaquias 3:6.

Si Pablo ug ang Adlaw nga Igpapahulay

May pipila nga nagpahayag nga si Apostol Pablo nagtudlo kanato sa pagsalikway sa ikaupat nga kasuguan sa Dios. Sila naghatag ug duha ka bersikulo, Roma 14:5-6, ug Colosas 2:16-17, sa pagsuporta niining nga pahayag.

Sa dili pa nato lantawn kadtong mga tekstoha, maghunahuna una kita sa usa ka gutlo. Kung si Pablo nagpasiugda pa sa pagsalikway sa ikapitong Adlaw’ng Igpapahulay, kita magdahum gayud nga adunay dako kaayong panaglantugi niini dinha sa Bag-ong Tugon.” Dili dyutay’ng panagkabingkil ug panaglalis” (Buhat 15:2) ang gikagubtan mahitungod sa panaglantugi sa sirkumsisyon. Asa karon niini ang katarungan sa panaglalis mahitungod sa Adlaw’ng Igpapahulay? Wala gayud.

Kung hatagan sa kahigayonan aron pagduot sa pagpasangil batok ni Pablo, ang mga Hudio dili makahimo sa pagpadayag sa bisan unsa nga pagpamatuud batok kaniya! (tan-awa Buhat 21:33-34; 24:5-6, 12-13; 25:7, 18-19,25,27.) kung si Pablo nagguba sa Sabado, diin mao’y usa ka kasal-anan nga takus ug kamatayon (tan-awa Exodo 31:14-15; 35:2; Numerus 15:32-36), nianing tungora ang mga Hudio magpahimulus na niini.

Usa si Pablo, sa imong nahinumduman, nga nagaingon nga ilalum sa kasoguan pagahukman pinaagi sa kasoguan (Roma 2:12), ang mga nagatuman sa kasuguan mao ang pagamatarungan (tan-awa Roma 2:13), gipakaulawan mo ang Dios pinaagi sa paglapas sa kasuguan (tan-awa Roma 2:23), ug ang kasuguan balaan, matarung ug maayo (tan-awa Roma 7:12). “Gibungkag ba nato ang Kasuguan tungod sa maong pagtoo? Siya nagaingon sa Roma 3:31. “ Ang Dios nagbaod: Hinunoa gipabarug nato ang Kasuguan.” Sa Buhat 21:24 si Santiago ug ang mga katigulangan sa Jerusalem nagpamatuod ngadto kang Pablo, “Ikaw gayud nagagawi diay nga matinumanon sa kasuguan.” Si Pablo nagpahayag sa kamatuoran sa iyang kaugalingon: “ Wala akoy nahimong paglapas batok sa kasuguan sa mga Judio, o batok sa templo, o batok ka Cesar.” Buhat 25:8 (tan-awa Buhat 25:10; 26:22; 28:17).

Unsa kaha ang kahulogan sa duha ka panghitabo nga sagad gikutlo?

Roma 14:5-6

Kini nga panghitabo wala naghigut mahitungod sa Adlaw’ng Igpapahulay. Sa mabinantayong pagbasa sa kinatibuk’ang kahulugan nagpakita nga ang gihisgutan may kalabutan sa pagkaon batok sa pagpuasa. Ang ikaupat nga kasuguan wala nagsulti mahitungod sa pagkaon o pagpuasa. Busa sa kinatibuk-an lahi ang gihisgutan niini.

Ang pagpuasa kasagaran nabatasan sa panahon sa Balaang Kasulatan. Nahasulat sa Marcos nga “Ang mga tinun-an ni Juan ug ang mga Faresio nanagpuasa” Marcos 2:18. Ang Faresio sa Lucas 18:12 nanagpuasa ug makaduha sa isa ka semana. Ang karaang Judio nagpamatbat sa pagpuasa, si Megillath Ta’anith, naghigut sa mga Judio kinsa nianang panahona nabatasan ang pagpuasa sa ikaduha ug ikalimang adlaw sa semana, kana mao, ang Lunes ug ang Huwebes. Ang Didache, sa dili pa dugay nahasulat human niini, nagpahimangno sa mga Kristyano nga dili magpuasa uban sa mga maut sa ikaduha ug ikalima nga adlaw sa semana, apan hinoon sa ikaupat ug ikaunom nga adlaw (tan-awa Didache 8:1).

Si Pablo nagaingon, “Ang usa ka tawo nagaila usa ka adlaw ingon nga labi pang maayo kay sa ubang adlaw, samtang ang laing tawo nagaila sa tanang mga adlaw ingon nga managsama ra. Kinahanglan matag usa ka tawo adunay hingpit pagkadani diha sa

iyang kaugalingong hunahuna.” Bantayi ang bersikulo 6 “Ang nagabantay ug adlaw” mao “siya nga wala nagkaon.” Ug “siya nga wala magbantay sa adlaw” mao “siya nga nagkaon.”

Sa ingon niini maklaro gikan sa kinatibuk-ang kahulugan nga si Pablo wala makigpulong mahitungod sa Adlaw’ng Igpapahulay, apan naghubit mahitungod sa ubang dili relihiyosong mga adlaw, apan kato nga mga adlaw giisip pa nga mahinungdanon alang sa uban.

Colosas 2:16-17

Kini nga teksto gipaila tungod sa gisaysay ni Pablo mahitungod sa balaang mga adlaw ug mga Adlaw’ng Igpapahulay. Ang pagmatuud gihimo nga si Pablo dinhi nagsulti nga ang ikaupat nga kasugoan wala nabugkos alang sa mga Kristohanon. Sa haduul nga paglantaw, bisan pa niana, nagpahibalo nga niini nga teksto si Pablo wala nagpasabot sa Adlaw’ng Igpapahulay sa ikapitong adlaw sa semana.

Sa bersikulo 17 siya nagsulti kanato sa klaro gayud nga siya naghisgut mahitungod sa “mga Adlaw’ng Igpapahulay mao ang landong sa mga butang umalabot. Apan ang lawas mao si Kristo.” Sa laing pagkasulti, kini mao ang mga adlaw nga tipikal nga naghulagway ug nga nagtudlo ngadto sa bulohaton ni Kristo sa pagluwas sa tawo gikan sa sala.

Kini nga “landong” gitukod lamang tungod sa problema sa sala. Busa ang senemanang Adlaw nga Igpapahulay dili mahaum niining bahina. Sa pagkamugna niini sa wala pa nakasala ang tawo (ikumpara Genesis 2 ug Genesis 3), wala kini gihatag nga landong sa umalabot nga Manluluwas; gitukod kini sa paghandum sa Magbubuhat kinsa’ng buhat natapos. Makaplagan diha sa kasugoan sa Dios, ug isip hingpit nga walay kalabutan ngadto sa landong sa tulumanon, ang senemanang Adlaw nga Igpapahulay dili maoy gihisgutan ni Pablo .

Unsa man ang anaa sa iyang hunahuna? Aduna bay laing Adlaw nga Igpapahulay gawas sa senemanang Adlaw nga Igpapahulay? Oo, sa Levitico kapitulo 23 nagahisgut ug pito ka tulumanon sa Adlaw nga Igpapahulay matag tuig. Isip binugkos kini ngadto sa linain nga mga petsa, kini nga mga Adlawng Igpapahulay mahimong mahitabo sa nagkalain-laing adlaw sa semana sa matag tuig, ug dili lamang diha sa Adlawng Igpapahulay sa ikapitong adlaw sa semana.

“Ang halad nga kalan-on” ug ang “halad nga ilimnon” (tan-awa Levitico 23:13,18,37) gipadayag nga may kalabutan sa katiguman, busa gipatin-aw ni Pablo sa iyang gipamulong “sa kalan-on” o “sa ilimnon” sa Colosas 2:16.

Ang pulong “Sabado” nagkahulugan sa “Pahulay”. Ang Sabado mao ang adlaw sa pagpahulay gikan sa bulohaton sa matag usa. Matag usa sa tinuig nga adlawng igpapahulay nga nahasulat sa Levitico 23 giubanan sa mga pulong, “Walay bisan unsa nga buluhaton nga inalagad nga pagabuhaton ninyo”—gawas sa Adlaw sa Pagtabon sa sala. Kini ang pinakasolemne ug pinakamakahuloganon sa tanang tinuig nga adlawng igpapahulay. Niini sila gimanduan, “Kamo dili magbuhat ug bisan unsa nga bulohaton” bersikulo 31. “Ug bisan unsang kalaga nga magabuhat ug bisan unsa nga bulohaton niining adlaw, pagalaglagon kana nga gikan sa taliwala sa iyang katawhan.” Bersikulo 30.

Ang nahaunang tulo ka seremonyal nga Adlawng Igpapahulay mao ang mga landong sa mga panghitabo nga nahidugtong sa pag-alagad ni Kristo dinhi sa kalibutan. Ang naulahing upat nagtudlo sa mga panghitabo nga nahidugtong sa katapusang bulohaton ni Kristo diha sa sanktwaryo sa langit (lantawa Leksyon 14-16 para sa dugang nga inpormasyon sa langitnong pagministeryo ni Kristo)

Aron sa pag-ila niining tinuig nga mga adlaw nga igpapahulay gikan sa Adlaw nga Igpapahulay sa semana, ang Ginoo nag-ingon ni Moises, “Kini mao ang mga fiesta nga tinudlo ni Jehova nga inyong igamantala... labut pa sa mga Adlaw nga Igpapahulay ni Jehova” Levitico 23:37-38. Kini nga kalahian sa gihapon klaro sa panahon ni Pablo. Kung siya maghingalan “mga Adlaw nga Igpapahulay: kini mao ang landong sa mga butang umalabot,” wala’y dili masabtan aha nga mga Adlaw nga Igpapahulay ang iyang gipasabot.

Karaang Seremonyal nga mga Adlaw nga Igpapahulay

Panghitabo	Petsa	Levitico 23
Unang adlaw sa fiesta sa tinapay nga walay levadora	Ika-15 nga adlaw sa nahaunang bulan	Bersikulo 5,6,7,11
Ikapito nga adlaw sa fiesta sa tinapay nga walay levadora	Ika-21 nga adlaw sa nahaunang bulan	Bersikulo 8
Pangilin sa pagkunsad sa Espirito Santo	Ika-50 nga adlaw hangtud sa adlaw nga musunod sa ika- 15 sa nahaunang bulan	Bersikulo 15,16,21
Paghuyop sa mga trompeta	Ika-1 nga adlaw sa ikapito nga bulan	Bersikulo 24,25
Adlaw sa pagtabon sa sala	Ika-10 nga adlaw sa ikapito nga bulan	Bersikulo 27-32
Fiesta sa mga Tabernaculo	Ika- 15 nga adlaw sa ikapito nga bulan	Bersikulo 34,25,39
Ika-8 nga adlaw sa Fiesta sa mga Tabernaculo	Ika-22 nga adlaw sa ikapito nga bulan	Bersikulo 36,39

Ang Panahon sa Paghalad ni Kristo

Kasinatian ni Jesus	Petsa sa Kalendaryo	Seremonyal nga Adlaw	Adlaw sa Semana	Teksto
Gilansang sa Krus ang Cordero sa Dios	Ika-14 nga adlaw sa nahaunang bulan	Pasko	Adlaw nga Pagpangandam	Ex. 12:5, 6 Ex. 12:21-

				28 Juan 1:29 1 Cor. 5:7
Pagpapahulay diha sa Lubnganan	Ika-15 nga adlaw sa nahaunang bulan	Nahaunang adlaw sa Fiesta sa Tinapay nga walay levadora	Adlaw nga Igpapahulay (daku nga adlaw)	Num. 28:17,18 Juan 19:31
Mga unang bunga sa pag-ani	Ika-16 nga adlaw sa nahaunang bulan	Binangan sa halad-nga-tinabyog Unang halad sa unang bunga sa pag-ani	Nahaunang adlaw sa semana	Lev. 23:10,11 1Cor. 14:22,23 Luke 24:1-3

Ang Mga Judio ug ang Adlaw nga Igpapahulay

Sa makadaghan si Jesus makahibalag ug kalalis sa mga pangulo sa mga Judio mahitungod sa Adlaw nga Igpapahulay. Apan ang gihisgutan dili mahitungod kun ang Adlaw nga Igpapahulay pagabantayan ba. Si Jesus nag-ingon, “Gituman ko ang mga sugo sa akong Amahan” Juan 15:10. Ang pangutana mahitungod kon unsa ang “uyon sa kasuguan” (tan-awa Mateo 12:12) nga pagabuhaton sa Adlaw nga Igpapahulay.

Gihimong mabug-at sa mga Hudiyo’ng pari ang Adlaw nga Igpapahulay inubanan sa magatus nga mga binuhat ug tawo nga mga balaod nga walay pagtugot sa Dios. Busa ang Adlaw nga Igpapahulay, diin gihimo nga mahimong usa ka panalangin, nahimong mabudlay. Kung si Jesus miuyon nianang tawhanon nga tradisyon Siya usab nagpamatuud nga ang mga tawhanong pangulo adunay katungod sa pagsaysay kun unsaon pagtuman ang Kasuguan sa Dios.

Bisan pa ang panig-ingnan ni Jesus sa insakto nga pagtuman sa Adlaw nga Igpapahulay nakapa-awhag sa kasuko sa mga Fariseo, walay dapit nga atong makaplagan nga Siya nagbungkag sa balaod sa Dios o nagtudlo sa Iyang mga tinun-an sa pagbuhat sa ingon niini. Kung ang usa ka tawo mudawat sa mensahi ni Kristo, sa kanunay makasulti kana nga tawo, sama ni Ananias, “siya usab usa ka tawo nga diyosnon sumala sa balaod” Buhat 22:12. Ang mga pangulo sa mga Kristohanon nag-ingon ngadto kang Pablo, “Nakita mo... kon unsa kahilabihan ka daghan ang mga Judio nga nanagpanoo; ug kini silang tanang mga masibuton gayud sa kasuguan.” Buhat 21:20

Ang gitudlo usab nga “Adlaw nga Igpapahulay sa Judio” dili makaplagan sa bisan asa sa Balaang Kasulatan. Walay dapit nga ginatawag kini “Adlaw nga Igpapahulay sa Judio”. Ang Bibliya nagatawag niini ug “Adlaw nga Igpapahulay sa Dios” ug ang Dios nagtawag niini nga “akong balaang adlaw” Isa 58:13.

Isaias 58:13

Bantayi ang sumusunod: 1)—Ang Adlaw nga Igpapahulay natukod sa paglalang, 2000 ka tuig sa wala pa ang mga Judio. 2)—Ang Adlaw nga Igpapahulay gibuhat alang sa “tawo” Marcos 2:27. 3.)—Bantayi diha sa Isaias 56:6-7 kinsa nga mga Gentil kansang pagsimba pagadawaton sa Dios:

“Ingon man usab ang mga dumuloong nga nakigtipon sa ilang kaugalingon kang Jehova, aron sa pag-alagad kaniya, ug aron sa paghigugma sa ngalan ni Jehova, aron mahimo nga iyang mga alagad, ang tagsatagsa nga nagabantay sa Adlaw nga Igpapahulay gikan sa pagpanamastamas niini, ug nagapadayon sa hugot gayud sa akong tugon. Bisan pa sila akong dad-on ngadto sa akong bukid nga balaan, ug himoon ko sila nga malipayon sa akong balay nga alampoanan. Ang ilang mga halad nga sinunog ug ang ilang mga halad pagadawaton ko sa ibabaw sa akong halaran.” Matud pa niining bersikuloha, kung ang mga Gentil mutuman sa Adlaw nga Igpapahulay ug maghupot sa tugon sa Dios sila makatagamtam sa tugob nga kalipay sa pagsimba.

Ang Adlaw nga Igpapahulay dili lamang iya sa pinili nga kaliwatan, hinoon alang ngadto sa Dios mismo ug sa tanan nga makigdugdong ngadto Kaniya.

Ang Espesyal nga Panalangin sa Adlaw nga Igpapahulay

Dili lang ang Dios nagpanalangin sa Adlaw nga Igpapahulay (Ex. 20:11) apan Siya usab nagsaad ug talagsaon nga panalangin ngadto sa tanan nga nagtahod sa Adlaw nga Igpapahulay.

”Bulahan ang tawo nga nagahimo niini, ug ang anak sa tawo nga magapadayon niini; nga nagabantay sa Adlaw nga Igpapahulay gikan sa paglapas niini, ug nagapugong sa iyang mga kamot gikan sa pagbuhat sa bisan unsa nga dautan. Ni pasagdan ang lumalangyaw, nga mitipon sa iyang kaugalingon kang Jehova, nga magasulti, nga magaingon: Sa pagkatinood ibulag ako ni Jehova gikan sa iyang katawhan: ni pasagdan niya ang eunoco nga magaingon: Ania karon, ako usa ka mamala nga kahoy. Kay kini mao ang giingon kang Jehova mahitungod sa mga eunoco nga nagabantay sa akong mga Adlaw nga Igpapahulay, ug nagapili sa mga butang nga nakapahimout kanako, ug nagapadayon sa akong tugon; Ngadto kanila ihatag ko sa sulod sa akong balay ug sa sulod sa akong mga kuta ang usa ka handumanan ug ang usa ka ngalan nga labi pang maayo

kay sa mga anak lalake ug sa mga anak nga babaye; akong hatagan sila ug usa ka ngalan nga walay katapusan, nga dili pagawagtangon. Ingon man usab ang mga dumuloong nga nakigtipon sa ilang kaugalingon kang Jehova, aron sa pag-alagad kaniya, ug aron sa paghigugma sa ngalan ni Jehova, aron mahimo nga iyang mga alagad, ang tagsatagsa nga nagabantay sa Adlaw nga Igpapahulay gikan sa pagpanamastamas niini, ug nagapadayon sa hugot gayud sa akong tugon. Bisan pa sila akong dad-on ngadto sa akong bukid nga balaan, ug himoon ko sila nga malipayonsa akong balay nga alampoanan. Ang ilang mga halad nga sinumog ug ang ilang mga halad pagadawaton ko sa ibabaw sa akong halaran. Matud pa niining bersikuloha, kung ang mga Gentil mutuman sa Adlaw nga Igpapahulay ug maghupot sa tugon sa Dios sila makatagamtam sa tugob nga kalipay sa pagsimba.” Isaisas 56:2-7.

Nagpabilin ang Adlaw nga Igpapahulay Bisan pa sa Pag-usab sa Kalendaryo

Pipila ka mga tawo nahibulong kung ang ikapito nga adlaw sa semana karon sama pa ba gihapon sa adlaw kung kanus-a gilalang sa Dios ang kalibutan. Dili ikapangutana kung unsa ang Adlaw nga Igpapahulay ang gituman diha sa panahon sa Bag-ong Tugon, tungod kay ang Magbubuhay ania sa Kalibutan niadtong panahon. Ang Iyang nabatasan nagpamatuud mahitungod sa Adlaw nga Igpapahulay diin mao gibantayan usab sa mga Judio nga sa kinatibuk-an nahasubay gayud sa tinuud nga Adlaw sa Dios. Ang bahin nga gikahibulongan sa tawo mao ang mahitungod sa sulod sa gatasan ka tuig nga misunod sa pagkamatay ni Kristo. Unsaon nato pagkasiguro nga ang panahon wala mawala sukad kaniadto? Ato lantawn ang lima ka pagpamatuud.

1 – Ang Kalendaryo – Ang Kalendaryo nga gigamit sa dinhi pa si Jesus sa kalibutan mao ang “Julian Calendar,” gisunod sa pangalan ni Julius Caesar, nga namatay 44 ka tuig sa wala pa natawo si Kristo. Sa sinugdanan kini nag-ila nga ang tuig mutangkod 365 ¼ ka adlaw. Ang panahon nagpakita, pero, kining aktwal nga adlaw sa tuig anaay onse minutos ug katorse sigundos nga mubomubo kaysa niana. Human sa pipila ka siglo, ang kalendaryo mamahimong dili na mahasubay sa mga panahon.

Kini nakaplagan nga kinahanglan magdugang gawas sa plano sa tuig luksoan nga mao'y gigamit sa Julian Calendar. Imbes adunay tuig luksoan sa kada upat ka tuig, nakaplagan nga kinahanglan laktawan ang tuig luksoan sa matag ikaupat nga tuig sa sinugdanan sa siglo, sama sa tuig 1700, 1800, ug 1900. Ang dili pag-apil niana nga kalahian nga mahitabo sa matag siglo mabahin sa 400, sama sa mga tuig 1600 ug 2000.

Taliwala sa 1582 ug 1923 sa kada nagkalain-laing nasud sa kalibutan nag-anam-anam sa pag-uyon nianang kalendaryo ngadto sa pagbalik niana nga paagi. Ang mga nasud nga Katoliko mao ang una nga naghimo ana nga kausaban. Si Papa Gregory XIII nagtugot sa kausaban niadtong Oktobre sa 1582 nga nagwala ug pulo ka adlaw gikan sa kalendaryo. Sa pagpanas sa Oktober 5-14 gikan nianang tiug sa kalendaryo, ang mga petsa nahibalik sa diin sila nahamutang

Kini nga kausaban may kalabutan sa mga petsa nianang bulana lamang, ug hingpit nga dili maapektahan senimana nga lihoc sa panahon. Ang ikalima nga adlaw sa semana, Huwebes, Oktobre 4, 1582 gisundan sa ikaunom nga adlaw sa semana, Biernes, Oktobre 15, 1582. Sa ingon, ang lihoc sa panahon sa semana wala nahunong.

Oktobre 1582

Domingo	Lunes	Martes	Miyerkules	Huwebes	Biernes	Sabado
	1	2	3	4	15	16
17	18	19	20	21	22	23

Sa ubang mga nasud, ang kausaban dugay pa nga nahitabo: mga nasud nga iningles sa 1752, Japan sa 1873, China sa 1912, Turkey ug Russia sa 1917, ug ang Gresya sa 1923. Sa kada hitabo ang numero sa petsa sa bulan gipasibo, apan ang mga adlaw sa semana wala hilabti. Pananglitan, sa Britanya ug iyahang mga kolonya, ang ikaupat nga adlaw sa semana, ang Miyerkules, Septembre 2, 1752, gisundan sa ika lima nga adlaw sa semana, ang Huwebes, Septembre 14, 1752.

Tungod kay dili tanang mga nasud misagop sa kausaban sa parehang panahon, ang mga petsa sa bulan nagkalahi-lahi sa nasud ngadto sa laing nasud sobra 300 ka tuig. Apan usa lamang ang pareha sa tanan-- ang lihoc sa panahon sa semana. Sila adunay ilang kaugalingong kalendaryo; apan ang Adlaw nga Igpapahulay sa Rusya, mao usab ang Adlaw nga Igpapahulay sa Alemanya, Inglatera, Italya, ug sa tibook kalibutan. Ang Ensayklopedya Britannica nagatawag niini “ang dili mausab nga panagsama sa semana”

2-- Ang mga Hudio-- Ang mga Hudio hingpit nga mabinantayon sa pagsubay sa tinood nga adlaw nga igpapahulay. Walay kausaban nga mulabay nga dili mabantayan.

3-- Tradisyon sa Katoliko-- ang simbahang Katoliko natawo balik sa nahaunang siglo sa katuigan sa Kristyano, ug ang pag-usab sa mga adlaw sa semana dili mahitabo nga kini dili mamatikdan sa mga Katoliko. Apan ang ilang rekord nagpakita, sila nagabantay sa ilhanan sa nahaunang adlaw sa semana nga matinuud-anon sama sa mga Judio nga adunay ikapito

4-- Ang mga Pinulongan sa Tawo-- Ania ang madanihon nga ebidensya sa dugay nga gihuptan ug halawom nga pag-ila sa ikapito nga adlaw sa tibook kalibutan. Sa sobra sa 100 nga sinultihan ang aktwal nga sagad ingalan sa adlaw nga atong gitawag ug Sabado mao ang “Adlaw nga Igpapahulay” Ania ang pipila nila:

Inistoryahan sa Poland: “Sobota”

Griyego: “Sabbaton”

Inistoryahan sa Rusya: “Subbata”

Portuguese: “Sabado”

Espanyol: “Sabbado”

Italyan: “Sabbato”

5-- Mga Siyintipiko sinulat sa mga Astronomo--

“Kami adunay higayon sa pagsusi sa mga buhat sa mga espesyalista sa kronolohiya ug wala kami nakakaplag ni isa kanila nga adunay gamay'ng pagduhaduha mahitungod sa nagapadayon nga lihok sa panahon sa semana...Wala gayud pagkausab ang kalendaryo sa nangaging siglo nga nakaapekta sa bisan unsa nga paagi sa lihok sa panahon sa semana.” Dr. A. James Robertson, Director, American Ephemeris, Navy Department, U.S. Naval Observatory, Washington, D.C.

“Kutub sa akong nahibaloan, diha sa nagkalain-laing kausaban sa Kalendaryo wala gayud kausaban ang rota sa pito ka adlaw sa semana, nga niabot sukad pa sa nag-unang mga panahon.” Sir Frank W. Dyson, Astronomer Royal, Royal Observatory, Greenwich, London

“Kini usa ka kahibulongan nga kamatuuran nga sa karon adunay dakong kalabutan sa pagkalibog sa pangutana nga ginatawag nga 'nawala nga panahon.' Ang mga kausaban nga nabuhat sa kalendaryo sa nangagi naghatag ug pagtoo nga kini nga panahon sa pagkatinuud nawala. Ang punto sa katinuoran, sayang lamang, kini nga mga pagpahiyon gibuhar aron sa pagdala sa kalendaryo duol sa pag-uyon uban sa natural nga tuig. Sa karon, sa makalolouy, kining “nawala nga panahon” kunohay sa gihapon ginagamit aron sa paglabay ug pagduha-duha ngadto sa dili mabungkag nga lihok sa panahaon sa Adlaw nga Igpapahulay sa ikapitong adlaw sa semana nga gi-inagurar sa Dios sa Paglalang. Ako nalipay nga ako makadugang ug testigo sa akong siyintipikong pagbansay-bansay sa dili mausab nga natural nga lihok sa panahon.

“Adunay orasan nga computer sa Greenwich sa dugay na nga katuigan, ako makatestigo... kini atong tanang adlaw gidumalahan sa Dios gayud-- sa walay lunga gisukod pinaagi sa inadlaw nga pagtuyok-tuyok sa kalibutan sa iyahang ligiran. Kini nga inadlaw nga panahon sa pagtuyok dili mausab sa usa ka ikalibo nga bahin sa segundos sulod sa libo ka tuig... Walay usa ka adlaw nga nawala sugod sa Paglalang, ug ang tanang kausaban sa kalendaryo, bisan pa niana, wala gayod nabugto ang lihok sa panahon sa semana.” Dr. Frank Jeffries, Research Director of the Royal Observatory, Greenwich, England.

“Ang pagpadayon nga semana...sa walay pagduha-duha ang labing karaang siyintipikong institusyon nga gibilin kanato uban sa pagkadaan...” Edouard Baillaud, Director of the Paris Observatory.

Bisan pa ug ang tanang sinulat sa panahon sa kalit mawala, ang mga astronomo makakaplag pag-usab sa panahon sa yano, pinaagi sa pagkwenta sa pagkabutang sa mga bitoon nga gibutang sa Dios sa ilang lugar “alang sa mga ilhanan, ug alang sa mga panahon, ug alang sa mga adlaw, ug alang sa mga katuigan.” Genesis 1:14.

Sukad ang Dios nag-ingon kanato sa pagtipig sa balaang Adlaw nga Igpapahulay, Iya usab nga gisiguro nga walay malibog kung unsa kini nga adlaw.